



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm III. Cùm venissent.

[urn:nbn:de:hbz:466:1-62587](#)

Nota I. Si Reus contumax passus missio-
nem in rem Custodiae causa factam, in-
tra annum cautionem offerat judici, isque
recipere nolit, non amittit post anni lapsum
veram possessionem, ideoque restituendus
est post præstitam cautionem, si enim per
me non stat, quo minus faciam quod debeo,
non est mihi imputandum, ait gl. h̄c, verb.
Non s̄tērit, arg. c. Plerumque. 23. de Rescript.
& habetur expressius in Reg. 41. sexti: im-
putari non debet ei per quem non stat, si
non faciat, quod per eum fuerat faciendum.

Obiicies. Judges iste delegatus sine col-
legis suis non poterat recipere cautionem
à Reo. c. *Canjam. 16. &c. penult. de offic. de-*
legat. igitur debebat Reus judicem Ordina-
riū adire, iuxta c. *Pastoralis 11. §. Frater-*
ea. de officio Ordinarij, vel ipsi Actori alte-
riū personæ honestæ cautionem offerre
de parendo juri, iuxta doctrinam gl. in c. *præ-*
ced. verb. Parati. Vbi ait, si non potest judex
haberi, cautio præstetur parti, si autem neu-
ter potest inveniri, præstabatur alteri perso-
næ honestæ, quæ recipiat cautionem no-
mine adversarij. Resp. Verum est, quod
cautionem iste delegatus recipere non po-
tuerit tanquam judex, si (uti videtur) abs-
que clausula, *si non omnes*, delegatio facta
fuerat, nihilominus cautio ipsi offerri po-
tuit, ut eam recipere tanquam persona ho-
norata, & quæ versata sit in ista causa; quam-
obrem postquam recipere delegatus recu-
sauit, obligationi satisfecisse censemur Reus,
neque opus est, ut vel judicem ordinarium,
vel personam aliam super ea re accedat, uti
hic docet *Panorm. n. 5. Imola n. 5.* Cū e-
nim dantur in jure plura remedia, in arbitrio
cuiusque est, quonam uti malit, uti do-
cent DD. in l. penult. ff. *Ad legem Aquiliam.*

CAPITVLVM III.

Cū venissent.

PARAPHRASIS.

Controversiam quam Abbas sancti Angeli
super quadam possessione cum P. Gal. ha-
bebat, Legatus Apostolicus quibusdā dele-

gauit, ut eam secundum jus commune,
& consuetudinem Provincie desinirent,
sed cū judges tātū secundum jus pro-
cedere vellent, Petrus ad Pontificem ap-
pellauit, ipsi autē nihilominus proceden-
tes Abbatem in possessionem rerū petita-
rum miserūt, custodiae causa, ita ut si intra
annum & diem præstaret cautionem si-
stendi se judicio, & pro expensis parti ad-
versariæ 30. argentii libras præstaret, pos-
sessionem reciperet. Cū autem priore
legato discedente, aliis Provinciam in-
gressus esset; Petrus cautionem sistendi se
judicio coram altero Legato obstatuit, pa-
ratus etiam expensas præstare, quæ tamen
ut ipse dicebat, sex librarum summam nō
excederent, Abbas verò 30. postulauit;
hoc intellecto Innocentius III. Rescriptit
Petrum reducendum esse in possessionē
præstitā cautione, ad expensas autem cō-
demnandum non esse, si consuetudo quā
ipse allegat laudabilis sit, quia tunc ratio-
nabilitet appellauit. Si autem laudabilis
non est, idēq; fruolē appellauit, tunc ad
eas expensas condemnetur, quas idcirco
Abbatem cōstat necessarias in lite fecisse.

SUMMARIUM.

1. *Reo contra processum Iudicis appellante, in*
possessionem custodiae causā mitti potest A-
ctor, si fruola Iudici videatur illius ap-
pellatio, qui tamen iterum oblata postmo-
dum cautione restitus debet si appellatio
appareat fuisse rationabilis.
2. *Ad expensas parti aduersarie soluendas cō-*
demnari potest contumax, quas jurat illa
ob consumaciam Rei se facere debuisse.

Nota I. Jus interdum sumitur strictè,
ut idem sit quod lex, & species opposi-
ta consuetudini, interdum verò accipitur la-
tiū, prout est genus ad jus scriptum, & non
scriptum, quæ est consuetudo.

Nota II. Si Reus contra judicis proce-
sum appellans tecedit, judex autem appelle-
tionem fruolam existimet, tum actorem
in possessionem rerum petitarū mittere po-
test; verū si postea judicetur appellationē
irrationabilem non fuisse, possessio præstitā
cau-

cautione restituenda erit, neque expensas soluere cogetur, cum purgata contumacia, expensae remitti debeant. c. Venerabilis. §. Idem est. De sententiâ Excommunicationis in 6.

- 2 Nota III. Contumax condemnari debet parti adversariae ad expensas, quas expediendo facere coacta est, igitur refundendae sunt expensae non superflue, sed necessariae, quae & moderatae dicuntur. c. fin. 5. De dolo. Quamobrem in estimatione expensarum necesse est, ut praecedat juramentum partis afferentis se tantas expensas ob adversarij contumaciam facere debuisse, & sublequantur Judicis taxatio. l. Sancimus. 14. C. De jud. quam formam cum Iudices delegati in nostro casu non seruârint, sed precipitatione Reum iuxta petitionem actoris condemnârint, idèo male eos processisse, in rescripto suo Pontifex significat, & tradit gl. hic. verb. Restituere.

CAPITVLVM VLT.

Si Adversarius.

PARAPHRASIS.

Si Reus post citationem ad terram remotam se conferat, procuratore ad litem iudice non relicto, tum publico edicto ad domum eius affixo, si nemo appareat, qui eum defendat, actor petere potest, ut mittatur in possessionem rei petitæ, Custodiæ causâ.

SUMMARIUM.

1. Ut missio in bona alterius fieri possit, una citatio non sufficit.
2. Admitti tamen debet ad vitandam missiōnem in bona Rei, si amicus vel consanguineus ad defendendum eum iudicio se fisset.
3. Hac in bona rei contumacis missio sit à Indice non præcisè ex officio, sed ad instantiam partis.
4. Quando & qua possit fieri missio in bona absentis Rei, qui ante citationem discessit nullo relicto Procuratore aut defensore?

Nota I. Non sufficit semel aliquem citare, ut missio in bona eius fieri possit, sed debet iterum ac peremptoriè citari, saltem per edictum publicum si personaliter citari nequeat, nec Procuratorem ad lites reliquerit, iuxta c. 3. De dolo.

Nota II. Si nullo relicto Procuratore aliquis seu consanguineus seu amicus in iudicium veniat defensurus Reum absentem præstite cautione de rato, admitti debet, ut missio in bona evitetur, ita, hic & in cit. c. 3. Quamobrem pro praxi advertit Panorm. cit. c. 3. n. 14. consultum esse, ut in edicto ad valvas addatur, si quis consanguineorum vel amicorum absentem defendere velit in iudicio, compareat ad diem definitam.

Nota III. Missio in bona Rei contumacis non sit à judece ex mero officio, sed ad instantiam partis, quare si non concedatur, ubi jure concedi deberet, appellatio locutus est, ut docet Bart. l. Si finita. §. Fulcinius. n. 29 ff. De damno.

Quæstio est, si Reus ante citationem discesserit, ut nesciatur ubi sit, nullo relicto procuratore aut defensore, num post edictum publicum, missio in bona eius fieri possit? Videtur negandum per argumentum ex contrario sensu sumptum ex hoc c. verb. Post citationis editum.

Sed Respondeo & Dico 1. Haud dubie missio fieri potest ex primo decreto seu Custodiæ causa. Ita gl. communiter recepta. verb. Citationis. & constat ex l. Ignorare. 4. C. De Restitut. Militum. Ceterum ut subventum sit actori, cum Reus nullo procuratore relicto ex justa causa absens est, curator bonis eius à judece constitui solet, qui pro absente in iudicio respondeat. l. Ab hostibus. 15. iunct. gl. ff. Ex quibus causis maiores, & docet Bart. l. cit. §. Inilianus. n. 38. Panorm. hic. n. 10. Ad obiectionem suprà positam facilis est responsio: In hoc Cap. responderi ad speciem facti Pontifici propositam; ex facto autem narratio non potest sumi argumentum ad exclusionem oppositi, sicuti neque tunc argumentum istud, quod ducitur à sensu contrario, locum habere debet, si contrarium in iure expressum sit, sicuti ex receptâ doctrinâ Panorm. hic admonet. n. 6. Dico